

故宮博物院
珍藏

刻名諸勝一覽記

三種
共二冊
第二冊



故宮博物院編 海南出版社

故宮珍本叢刊第 242 冊 史部地理類 山水

故宮博物院編

刻名諸勝一覽記

湖山便覽 上方山志

第二冊（共二冊）

海南出版社

新學
知
PDG

圖書在版編目(CIP)數據

、 故宮珍本叢刊.第 241~242 冊,地理.山水,刻名山諸勝一覽記、湖山便覽、上方山志/故宮博物院編. — 影印本. — 海口:海南出版社,2001.4

ISBN 7-80645-986-3

I. 故… II. 故… III. 古籍-善本-故宮博物院-叢刊 IV. Z121.7

中國版本圖書館 CIP 數據核字(2001)第 06669 號

故宮珍本叢刊第 242 冊

史部·地理·山水

刻名山諸勝一覽記 湖山便覽 上方山志

第二冊(共二冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 6 月第 1 版 2001 年 6 月第 1 次印刷

開本:787×1092 毫米 1/16 印張:26 印數:1-400 冊

ISBN 7-80645-986-3/Z·67

定價:8400 元(河渠山水古迹游記外紀 96 種共 42 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

名山巖洞泉石古蹟卷之十二

吳興歸安山泉慎蒙增選

校正

廣西通誌 桂林府

桂山灘江惟桂林 宋范成大云予嘗評桂山之奇

宜為天下第一予登覽太行常山衡岳廬阜皆崇高

渾厚雖有諸峰之名徒爾魁然曰山峯云者蓋強名

之其最號奇秀莫如池之九華歛之黃山括之仙都

溫之鴈蕩夔之巫峽此天下同珍之者然皆數峰而

止爾又在荒絕僻遠之瀕非几杖間可得而又必因

名山記

卷之十二

三十一

重岡複嶺之勢盤亘而來非若桂之千峰旁無延緣

平地崛然特立玉笋瑤簪森列無際其恠且多如此

誠為天下第一

桂山 府治東北郭三峰連屬城中望之前峰拔起

是多桂焉次峯宛轉一名北山後峰龍從有巖曰疊

綵舊號越王山上有石壇五代時馬殷所築今有馬

王臺三字

偶秀山孤標直聳約五百餘尺周回一里頂平如蒼

玉正而端嚴秀整側視如卓筆校諸峰獨雄故名山

上有巖巖下有洞前宋始安太守顏延之讀書其中

名讀書巖後為報恩寺至順王中順帝以太子謫靜

江寓寺居焉山今在靖江王府中唐張固詩○孤峰

不與衆山倚直入青雲勢未休會得乾坤融結意擎

天一柱在南州

伏波山 府治東北又名巖突起千尺有懸石如柱

去地一線不合俗云馬伏波試劍石又云石柱連出

狀元柱在洞中洞舊名玩珠宋張維易曰還珠張孝

祥大書千石元張湖山歌○桂林有山名伏波蒼崖

翠壁高差我山根陰崗透水府神奸物怪交搗訶我

來登山復尋崗直涉風浪攀藤蘿無誰可問得名始

名山記

卷之十二

三十一

頗有鐘磬堪摩挲為言新息昔事漢老矣雙鐙猶操

戈提師振旅蹴蠻國下潦上霧寧憂那仍聞薏苡能

禦瘴保之返載數駱駝一朝明珠肆讒口倒囊投棄

茲山阿有云昔有捕魚者龍宮竊入張網羅適遭老

聾就晝寢攫取明月懷青囊自知至寶世稀有惟守

可遺邪歸他守稱賢侯不敢受亟命返璧無蹉跎洞

名之味此二說無乃好事相傳訛柳州使君老好古

痛惜此曾經過重來邂逅請停楫君看此事當如

何言若有得仰面長嘆春風和肯將往事擾

塵埃云云清領金荷明朝酒醒湘水上引帆南去

飛如梭

靈巖山 在靈川縣西北三十里下有巖南北相通若堂殿水灌其中色如藍山谷百源輻湊其下可通舟楫宋王安中詩○繫破巖崖透碧流小舟輕泛入深幽石鱗映水玻璃皺山勢凌空翡翠浮雲護淵泉時欲雨寒生洞府夏成秋停梳峭壁題名姓醉墨淋漓記此遊

南溪山在城南七里曰龍崗下聳拔千尺烟翠凌空下臨南溪

穿山 城東五里山巔有穴通透望之如輪月掛空

焉

辰山 府城東北一十里山有三巖按舊郡志有云下巖初入昏黑行十餘步乃明豁右石室穹然坐三十餘客巖扉西向下瞰平湖山川城郭瞭然在目自巖扉左登陟磴百餘級至中巖乳石奇恠可駭可愕又由閣道至上巖巖之巔有小亭放目天際冥濛杳靄不可窮極嘉泰初士人劉時升始出此巖於荒窟中游者驚詫以為桂林諸山之冠經畧李大異謂文晦弗彰疑為神物所居名曰盤龍巖

中隱山 城西一十里又名中隱巖俗名佛子巖山

有三巖下巖深廣如橫艘入門行十許步有石乳狀如人獸轉曲道稍窄若不可進中巖明爽高入許出背巖門番石乳如羽蓋幢幢飛仙騰虬狀令人玩之不忍去上巖差小

琴潭山 城西六里群山中有一小山巨石林立如鋸解刀削其下空洞淵然成潭水流琤琤如琴聲因名其水溉田數千畝前有小巖明潔虛廣中有石榻石琴旁有荔枝岩石門不甚高中則曠然深百餘尺多滴乳狀如荔枝

象鼻山 訾家洲之西突起水濱形狀類象故名下

有水月洞

鎮南峰 城北朝京門旁有石崖天齊唐大曆中刻平蠻鎮宋狄青平儂智高勒碑于左

屏風巖又名程公巖 城東北五里斷山竝立高百餘丈中有平地可容百人鍾乳倒垂如瓔珞有石穴通明逗穴而出山川城郭恍然如在壺中范成大建壺天觀巖曰空明刻銘于石觀後廢弘治間重建壺天寺

湘水巖 城東三十里俗號聖水巖夜半則潮上巖日中則潮下巖每日常潮不愆期山腹地廣數十

畝群峰環擁或傳三五十里有大湖有異人出
 疊綵巖○城北三里大山壁立屏開山巖層層轉至
 巖後有亭翼然名越亭今廢重建拱宸望江二亭北
 望瀾江諸山縈環如畫

曾公巖○七星巖下舊名冷水巖山根石門哈呀中
 有澗水東流伏於石下源委不可知宋元豐中曾布
 帥桂跨澗爲石橋榜今名橋下水聲泠泠寒氣侵入
 橋側有石乳雙懸如垂蓮頽雲危欲下摩度橋有石
 四鱗次其中水無乾溢過田縈紆數十步路窄不可
 通賴視有石鐮尺許匍匐而進復高廣可通棲霞自
 名山記 卷之十一 五

龍隱巖○城東二里瀾江之水分流遶其下其後連
 屬七星山巖後有洞名龍隱其下水深莫測仰視其
 上有龍跡天矯長竟數丈鱗鬣宛然疑龍蛻去跡印
 泥上久而化爲石也巖內寬廣可容百人巖巔石色
 蒼翠可愛巖左緣磴而上舊有驂鸞亭後改怡雲今
 改望江氣象高廣後洞水勢湧激盛暑泚舟如在三
 峽中

靈秀巖○城西十里有大石室三向虛明穿透左右

隊道數十可通行兩旁皆頽臨曠野
 玉乳巖○城西十里極深邃秉燭乃可遊石室穹然
 中皆石乳瑩如冰玉

雪洞○獨秀山西石壁垂乳潔白如雪唐人有詩刻
 今滅惟雪洞二字尚存旁有二石如鳳時號雙鳳石
 玄風洞○七星山下慶林觀後洞口低下陰風襲人
 盛暑凜如冰雪

棲霞洞在七星山畔緣磴而上入石門下百步始坦
 夷可坐數十人高爽明豁盛夏無炎歊火冬溫然石
 乳凝結殊形怪狀不可勝紀其下復有洞入半里許
 名山記 卷之十一 六

遇大壑不可進有路北行頽樓而前數步復寬行兩
 旁十餘丈石乳下垂如玉簪珠旒曲折躡攀始可進
 所以益奇又行食頃寒泉怪石交映疊出遊者錯近
 世傳穴通九疑山洞中有老君象舊傳唐明皇所置
 宋建炎間經畧李綱大更曰仙李洞洞口有亭曰齊
 雲又廢

水月洞○宜山之北其洞門踞江圓如滿月一統志
 云濱江三洞惟水月最佳是也宋張孝祥改曰朝陽
 岩構亭其上亦曰朝陽

白龍洞○府城南七里俯瞰南溪石室穹窿高爽中

有佛宇唐李渤命曰玄巖後避宋太祖諱易曰白龍洞

韶音洞 虞山後石竇初入甚窄中則虛明達於皇澤灣洞門高廣頗濶之下水石相激爽氣襲人

還珠洞 伏波山下俯瞰瀨水中可容二十榻戶牖穿透石如蒼玉旁垂一石柱下至平地不合者纔一線許俗號伏波試劍石洞中石上有巨人跡紋理如刻復有紫白二蛟長數丈蜿蜒相向有圓暈直其首

如二龍戲珠狀舊傳漁父得珠事故名或曰漢馬伏波征交趾回載意以經此因得名

有洞名還珠相傳前代有一漁者因洞口行數百步深入漸明見一物狀如大珠目而腫前有一珠甚光瑩因急懷歸官府尋知之意其為異物也命還之漁人復至故所此物猶未醒故世傳為還珠洞或云漢馬伏波征交趾回載意以經此因得名至今未有定論然豪人題此洞詩○稟稟威聲振百蠻岸將欄截瀨溪山無人為起文淵閣端

人之說涉於怪誕

靈川縣

真仙巖 縣西南三里其內穹窿可容數十人石乳

凝結如珠纓寶蓋

龍嵒山 縣東一十五里山下有洞洞門數重遊者乘輿而入又水潭鮑魚足百有川爾雅云似鮎

四足聲如小兒今商州溪中亦有

乳洞 縣西南十里有上中下三洞其中虛明夏涼冬溫內有龍田如鑿稜層紆曲水溢不涸洞之澳有清泉噴出沿石壁左流成溪窈然深黑觸石湍激有聲洞門左旋而上十步餘至中洞地勢爽塏內有田數畦左有三石如柱旁有隙可通入石室又承下洞

水氣蒸潤常有煙霧旋擁左有石道曲折凡數百級至上洞入門平曠有淺水可涉秉炬而入石乳玲瓏有五色石橫亘其上行數步有石高十餘丈色亦五彩又有石床石室千態萬狀深入愈奇宋李邦彥名

其洞下曰賣雷中曰駐雲上曰飛霞且自為之記乾道間張孝祥大書曰上清三洞范成大亦有詩刻洞前有明真寺藏塔院李邦彥又書玉谿橋三字

鳴玉洞 縣西南十里餘去渠岸不遠洞門雖狹內極廣大深遠有石乳下懸又有石床石笋石盤諸狀泉聲琮琤舊名梵音羅震易今名

盡山 縣北五十里桂江之上其山九頭屹立丹崖蒼壁望之如繪盡然

度福巖 縣南二十里又名羅漢洞可坐數百人中有複閣堂殿兩旁石室如層龕肖羅漢像前有溪

流橋中有乳石形如獅狀為陽朔巖洞之冠宋邑令

周大夫所闢

甘巖

縣北七十里屹立灘江之旁如破甕側立中

可棹小艇

金鷄洞

縣西十五里有小江江上乳石璨如龍

鱗

華巖

縣西南二十里高數仞可容數榻泉繞洞前

又名華巖洞世傳昔有桃花片濶寸許從洞中流出

石壁有詩二絕無名氏○巖前流水無人渡洞口碧

桃花正開東望蓬萊三萬里等閑歸去等閑來○踰

名山記

卷之十一

九

頁五

鶴歸來不計年洞中流水綠依然紫簫吹徹無人見

萬里西風月滿天

此是仙詩
决非凡態

全州

覆金山

州西八十餘里有七十二峰高險峻絕

凌摩霄漢絕頂皆石圓如釜因名

仙奕山

城南上有穴穴有屏有室有宇登者得石

枰於其上黑肌而赤脉十有八道可奕因名

立魚巖在山半深邃奇怪內有三洞相通門外一望

千里

屏山 在府城南一里其形方正類屏宋陶弼詩○

一峰高起塞天關堪作皇家外屏山可惜化工安着

遠半遮中國半遮蠻

白面山

在象州南七里石壁屹立橫截大江中多

白石俗名掛榜山

融縣

銅鼓山

在縣西二十里舊傳諸葛亮散埋銅鼓以

壓蠻獠後有得於是山者故名又武宣縣西一十里

亦有銅鼓山下有銅鼓灘或謂馬援鑄銅鼓於此或

謂灘如鼓

名山記

卷之十一

十

頁五

真僊巖

在縣東五里仰視高遠青白錯雜靈壽谿

貫串中出玲瓏清響如環珮聲中有白石巍然如天

尊像舊名靈巖山又名老君洞宋咸平中改為真僊

巖領太宗御書自二十軸藏于內張孝祥磨崖大書

天下第一真僊之巖

老人巖

在縣西南三里舊傳嘗有老人拄杖悠揚

其上山半有洞高峻不可登旁有一穴人因其勢增

建屋閣凭闌一視如在半天大江橫其前支流遶其

下

慶遠府

南山 城南五里有巖洞洞有石龍鱗甲宛然因名龍隱洞洞前有廣化寺龍隱祠又有御書閣貯宋真宗御書六十軸巖東有余襄公黃太史馮二元三賢堂春意菴左畔又有白雲巖

富川縣

碧雲巖 縣治南巖洞深邃洞門上有石脉成三大字曰廣陽島

遠望極分明近望如學絮狀

仙巖 縣治十餘里洞口多桃花中則空洞上如覆蓋石之懸結青黛點綴榕根三四條如絲拂直垂入地半山間開牖光明中擁石堆如假山狀可坐數人

名山記

本卷之十一

十二

旁有深潭魚鱗遊泳淺流一線瀉出洞口清潔可掬

一奇觀也

平樂府

感應泉 在府城北宋鄒浩謫居昭州以江水不可飲汲於數里外後所居鎮下有泉湧出因名曰感應泉及將北歸數日清泉乃涸旋有人至門厲聲呼曰侍郎歸矣求之不可見翌日果拜命楊時挽○泉甘不出戶客至豈無神指二事也今嘉應廟側有侍郎井即此

西人山 在陽朔縣西七里有石如人東向而坐縣

東南二十里又有東人山其形如人拱揖西向

鸞翎山 在荔浦縣東五里下有岩明爽中有石如鸞狀宋甘叔異詩○俗謂鸞翎未便然娥英恐是古

時傳溪聲流盡蒼梧淚斑竹林中聞杜鵑

礧岩 在全州北一十五里岩上有飛泉噴湧如練

中有觀音像蓮花臺旁有一穴深邃秉燭可入又名

漱玉岩宋林巴詩○嘗聞仙人渡海術援以尺杖如

飛龍馮虛閉目不敢瞬波濤洶湧喧天風茲岩山窟

非海岸中掃一澗聲何雄瞋行十步水入耳明探萬

壑雲生腔

名山記

本卷之十二

又十二

石壁 在藤縣南二里高十餘丈俯瞰江流若赤壁

釣臺之狀富禮詩○斷崖如削鐵開闢自太古江風

西北來班班濕秋雨扁舟晚經過中流欲掀舞

古蹟

銅船 在鬱林州郡國志漢馬援鑄造銅船濟海後

令沉於渚天霽水激往望見一名越王舡

仙針 蒼梧縣民梁大用遇異人授以鐵針三枚

并針灸書遂為名醫永樂中郡守羅觀訪其子

孫止存一針以進於朝

石寨 在勾漏山隱然如城寨有睥睨峰臺牙

槽之狀規圓約二頃環以十二峰故又易名巫山案云

恭城縣

金芝巖 在縣治東高二丈許上有石乳垂結如芝

梧州府

火山 城南臨大江延袤五十餘里蓋梧郡之案山也山每夜火光如野火狀或言水有珠光燭于上或言南越王佗埋劍山阿故然

金石山 城東四里圖經載吳時有道士牽牛渡江

語舟人曰船內牛糞聊以為醉舟人視之皆金道士

名山記

卷之十二

十二

牽牛俄入山中忽不見

繫龍洲 城東五里大江中解縉詩○蒼梧城左繫

龍洲水接天南日夜流水井鱸魚春草合火山蛟室

夜光浮千家竹屋臨沙蒲萬斛江船下石頭欹枕夢

回雲漢近珮聲猶在鳳凰樓

水井 東門外一里南對火山唐大曆三年經畧使

元結飲之甘冽作漫泉銘有火山無火水宋紹興間

知州任詔砌為雙井一清一濁至今存焉任詔詩○

驅車出東門拜節訪水井寺古棟宇傾碑折苔蘚屏

源泉池中生瑩爭可鑑影命僧旋汲之入口勝霜冷

試烹白雲茶碗面雪花映清冷滌煩襟潤澤紛纒可以濯我纓悠然脫塵境

容縣

都嶠山 在縣南二十里山有八峯曰龍子馬鞍八

疊雲蓋香爐仙人中峰丹竈而八疊皆秀最高有南

北兩洞皆天造地設道書第二十洞天即此南洞寬

坦中列浮屠大像北洞差狹為星壇凡八中峰絕頂

有室曰中宮院木蘇軾送僧還山○乞得紛紛

樓樓斗結都嶠與仙鄰

龍潭灣 城西北十里唐時風雨之夜報恩寺鐘來

名山記

卷之十二

十二

與潭龍相戰次早鐘有萍藻沙礫信焉

懷集縣

鸞巖 在縣西三里紫巖以千百果其中洞門高濶

石平如砥可坐數百人石乳凝結垂地有石如棋盤

有一石相對若可坐奕者水自岩而來穿峒中出

人以竹篴吹之從此水至流注江而東

四門巖 在縣西五十里山突起平地下有石室外

有四門巖中石乳凝結為柱者公為蓮花者一此巖

之東北又有游仙巖巖中有化龍石一石人一

鬱林州

隱仙巖 城西二十里有石室壁上題元和十四年來遊寺曾才魯詩○山勢崔嵬不可攀古巖猶在白雲間洞天深透神仙宅石室高懸虎豹關崖壁尚存千古樹藥爐仍煉九還丹世人莫道無形勝笋立江南第一班

藤縣

赤水峽 城東六十里兩岸壁立一水中流林木蔚然嵐氣朝夕不散

注玉泉 在縣西南取秦觀泉賦晨夜有聲涵雲注

王之句元余觀○雲蒸崑山液月浸藍田英臨風燕

名山記 卷之十一 十五

沉壑滿腹珠璣鳴

博白縣

將軍洞 在縣南三十里一名飛鼠洞其洞三重石

室虛明中有泉分溫涼而流崖石上○刻南州太首

領將軍龐孝恭十字

綠珠井 雙角山下太平廣記梁氏女綠珠有美姿

容石崇為交趾採訪使以珠三斛買之今舊井存焉

鄒文忠詩○玉容捐委盡樓塵一死甘酬石氏恩古

廟有碑旌節義西風無主逐香魂孤村夜靜鳴歸鶴

雙嶺雲寒喚斷俱試向綠蘿尋舊跡斷碑遺井見清

源

北流縣

勾漏山 城東北十五里石峰千百皆矗立特起其

岩穴勾曲穿漏山有寶圭洞洞有石室葛洪即此操

丹砌以煉焉

白沙洞 在勾漏山東麓從竇入俯偃扶伏凡經六

七竇行里餘乃至勾漏甲於天下而此洞勾漏第一

玉虛洞 在勾漏山河中物象皆瑩潔如玉每雲從

洞出則雨風從洞入則霽

普照巖 山如覆釜登巖却顧則黃坡翠巘與石峰

相間其中仙壇佛塔低昂交錯靈幡寶幢獵獵飛動

興業縣

鐵城山 城南十里石壁如鐵四方有門

東門可通入行中有石上有二牛跡又有石寶

南門有基約四丈俗呼為麟北二門多石崎嶇

不通古避兵之處也

潯州府

白石山 城南六十里兩峰並下有巖洞即道書第

二十一洞天通北流勾漏洞世傳為洪管往來其間

洞六○白石山巖洞有石八隱石存焉葉原質○雲

梯迎石磴香樹鎮松關林壑疑無路神仙外有山

羅叢巖 城西南六十里可容三百人夷曰碧虛洞

深半里有石佛石獅石鐘石磬西曰靈源洞上清

詩○鑿破金鰲背虛明一竅通洞天塵世外樓閣畫

圖中冰冷猿啼月山空鶴唳風閒來足觴詠不必歎

途窮

永通峽 城西一百五十里山勢險峻徑賊巢穴成

化元年都御史韓雍討平之舊名大藤峽至是改爲

斷藤相傳有藤絕流而生長數百尺斷之汁出水爲

之赤正德十一年都御史陳金復改今名

名山記

卷之十一

十一

平南縣

暢巖 縣西二十里有石一卷聳峙平野有石門石

床流泉濺石宛如跳珠宋皇祐間郡守姚嗣宗改名

姚公巖後河南程公守龔州明道伊川從宦改今

名

南寧府

馬退山 府城北十五里狀如馬退山舊有茅亭唐

柳宗元記云是山翠然起於莽蒼之中馳奔雲壘亘

數十百里尾盤荒陬首浸大溪諸山來朝勢若星拱

蒼翠巖狀綺繡錯雜蓋天鍾秀於是有限於遐裔也

望仙坡 城東點羅秀山相對宋伙青孫清余靖征

儂賊駐師焉郡守陶弼即其地建三公亭有詩○異

日誰相繼來書第四名

牛皮石 在橫州西七里石如牛皮上鐫橫州二大

字相傳仙人所書

古辣泉 在橫州桂海虞衡志古辣乃賓橫間墟名

以墟中泉釀酒即熟不煮但埋之土中日足取出色

淺紅味甘而致遠鉅行暴日中不亟壞南州珍之宋

守徐安國○有古辣觴客醉之句

武緣縣

名山記

卷之十一

十七

題詩巖縣南十里高數丈三面石壁○有朝天門仙

女洞六字

太平府

白雲洞 城東二里中有龍潭錢溥詩○野外尋仙

跡雲封古洞幽碧桃時在澗瑤草不知秋道路通三

島烟霞占一丘有無誰可必明月自悠悠

讀書巖○在獨秀峰下直立郡治後爲桂主山傍無

坡阜突起千丈峰趾石屋有便房石榻石牖如環堵

之室顏延年守郡時讀書其中

伏波巖 突然而起且平下有洞可容二十榻穿

鑿通透戶牖傍出有懸石如柱去地一線不合俗名馬伏波試劍石前浸江濱浪波洶湧日夜漱齧之

劉仙巖 在白龍洞之陽仙人劉仲遠所居也石室

高寒出半山間

華景洞 高廣如十間屋洞門亦然

雄巖 亦江濱獨山有小洞洞門下臨離江

立魚峰 在西山後雄偉高俊如植立一魚餘峰甚

多皆蒼石刻峭

記文

隱山記

唐 吳武陵

石山記

文苑之正

卷一

一

一

一

石山記

文苑之正

卷一

一

一

一

西出門里餘得小山下得伏流顧目石秀水清其
輒怪物耶乃踰巖北上四十餘步得石門左右劒立
矍然若神物持之自石門西行十步得北洞坦平如
室室內清淨若繪積乳旁溜凝如壯士上負橫石奮
怒若活乘高西上有石窓窓下望千山如指白石
室東迴三步得石巖巖下有水泓然疑此螭之所宅
水色玉綠其濬三丈鼓而可坐數十人崑之南壁有
石磴可列十六人其束若鼓濬貴石流去不知所止
北壁半穴如懸門微外容小舟出門有潭袤三十步
產芡荷潭北十步得溪溪橫五里徑二百步可以方

舟泛鵲渺然有江湖趣魚龍鱗鱗鷗鷺如參漢潭之
間有地丈餘其色正赤歷石門東南越小嶺石林危
嶠夾聳左右自嶺下十步得東岩自岩口直下二十
步有水濶二尺許淺沙若畫細草如織南望有結乳
如薰籠其曰擁雪自巖西南上陟飛梯四十級有碧
石盤二乳竇滴下可以酌飲又梯九級得白石盤色
如玉中有自然水香其可飲數人不竭白石盤東北
上陟雲梯十二級得石堂足坐二十人乳穗駢垂擊
之鏗然金玉聲堂間有石方如棋局即界之以奕脩
然不知柯之爛矣自堂北出四步直西二進南入小
峽道峽得內峒東有石室妙如刻畫頂上方井弱翠
輕綠如藻綉自峒南下仰瞻東崖有疑乳如樓閣如
人形如獸狀不知造物之所變化也自樓閣斗下七
級次石渠渠深七十尺渠上為梁曲折繚繞三百步
遠日月所不能燭矣左右列炬而後敢進自梁直南
抵絕壁斗下為飛梯九級兩後及水水北涯有石閣
峭甚益以欄檻適可宴息水通漁船東出朝陽西隔
黝黑方谷如鑿投之石聞波聲響寒氣薄人自石閣
還上絕壁西十步又得小峒俯行三十步左右壁有
鐘乳或垂或滴其極有石室如禪庵多曰蝙蝠出小

峒北二十步又得外峒石色猶四崗東西壁下有石數十枚其面砥平中有兕觥棊蓊厥狀甚怪游入列坐肅若冰霰其東有便房桁櫺拱桷枝撐環合猶良工之椎琢也峒北七步臨西石門石門西三十九步得西崗峒深九十尺北崖有道可容一軌崖南有水水溶如鏡纖鱗微甲可數東過小石門東頗行三十步詰屈幽邃道絕窮崖又寬明置水閣岸下閣勝九人閣下水濶三十尺伏流崖南亦達朝陽自西峒口南去一矢得南峒四壁可燕數十人其東有水輕風徐來微波蕩漾北上山頂盤曲五百步石狀如牛如馬如熊如羆劔者鼓者笙竿者填鹿者不可名狀石路四周而松蘿萃於西北夫茲山之始與天地並而無能知者揭於人寰淪於翳薈又將與天地終豈不以其內妍而外朴耶乃伐棘導泉目山曰隱山泉曰蒙泉溪曰蒙溪潭曰金龜峒曰北牖曰朝陽曰南華曰夕陽曰雲戶曰白蝙蝠嘉蓮生曰嘉蓮白雀來曰白雀石渠寒深若蟠蛟蛭特曰蛟渠或取其方或因其瑞幾焯乎一圖謀也此洞之奇可謂極矣

六洞記

唐 韋宗卿

登山自西舉趾維左直至南華崗中水長十餘

步濶不可踰深不可測澄為靈泉播為陽江水側平坦可坐數十人自南華崗西轉五十步至夕陽崗崗長數十丈其旁有水與崗終始在水之東高下有石如砥如礪十數人可憩崗窮有大石高可跂及廣不盈尺鑿穴而望復使下尋有潭東去莫究深廣又北轉而東八十步至於石門自石門又東北十五步至北牖崗崗虛潭幽其水潑墨中有巨魚可三四尺鏤鱗鑿甲朱鬚頰尾人或見者龍以敬之潭之左右怪石萬狀如鳥斯飛如虎斯蹲如衣裳發笥如龍蛇出奔乳竇懸玉石壁流雲潭之南有石崗有便房高有石窓追琢不加清瑩可愛又東南轉山一十步至朝陽崗崗中有水旁浸潭側長可數十步三崗之水周圍相通亂於池入於江水中有石高可三尺其色白其容光圓如薰籠大如巨床以其水浸於潭側故曰側潭尋側潭之西數十步上有潛洞歷險可至窈窕深邃羽人來暨却上南壁約六七丈有雙碧石盤懸如半壁窅水數升其上尋有一白石盤常有水升餘酌之不竭味甘如醴色白凝乳煎以病愈飲以顏駐其側可坐五六人左右石壁皆光滑密緻有如磨礬不得綿絮却下從崗口北轉路絕越險山展不通構

梯架空得至雲戶戶內博敞容三十人旁透虛明洪纖可鑒有貞石榻勒爲基局對以手談局之左右可以偃仰實從徒侶各有攸處出雲戶下視北牖蒙溪如指諸掌戶外有二徑其一直上至山頂山之最高處也柱江屬望縈紆若帶越嶺遐眺點簇如黛寸眸千里周覽一息攝亭其上以俟登臨是歲秋慶雲見於西方萬狀競變五色相鮮既而亭構因目之爲慶雲亭如亭下至南華崗口又一徑西去十餘步至白雀崗郡人有獲白雀來獻者雪毛霜羽頰紫紅趾且旌蓬瑞因志崗名崗口狹隘側身稍通漸下十餘步有立石望之如人次有石堂光滑寬敞可容數十人從此更下有玄潭其深莫測潭東西岩上有石樓高低可二三尺自下而望如樁點成樓南有二石相去數尺被服如人若就樓而看者玄潭泓澄水色如墨見者神竦乃作閣道架潭瞬息疾過西南透於石穴中石穴路右復有乳垂亦如朝陽崗者視其周圍但微小耳崗內有穴通嘉蓮崗崗開而未得名會有獻同心蓮者遂紀事而名之從崗北出六十步西去有崗其深不測中路多白蝙蝠飛舞在穴從東有穴棧閣盤迴却透玄潭之北有兩穴東穴透明長可數丈

人不可過莫能窺之西穴出於崗口崗內平坦石榻縱橫湯茗在茲笙琴以間有石琴薦寘以撫絃聲越金玉自崗西去至夕陽出西山復其窳穴崗之能事畢矣自諸水隱山下池溢曰蒙泉派合成流水源有二其一流自夕陽注嘉蓮經白雀歷朝陽旁浸北牖出於南華流注積爲池其一流自蒙泉派源在北牖崗東北里餘出於北山自山南流會於南華崗水合而成池池因山麓不資人力高深向背縹緲縈迴五里間方舟蕩漾靡微風鏡清波掉女唱榜人歌羽族載依鳬鷺翔泳鱗介是宅魚鰲唼鳴野花依葉游絲轉空蘋末清風荷底水紅蓼者取飢者採與人同利恨斯池之不大也招提之南長松夾路陰濃蔽日韻響含秋外有連理松異本同幹內有偃蓋松低枝覆空松側有竹實綠盡岸策杖未窮步履猶遠北牖崗口有閒田砥平南北十餘步東西稱是乃作水閣立風廊開厨戶列使芳華而不逾險而不偏面茲池以混漾對他山之青翠綠竹競競簫簫僚滿觴歌聲遏雲舞影臨水取樂今日鄉心慙忘六崗誌即隱山者

灘江記

明 董傳策

按水經興安海陽山斷爲灘水流而汧靈川其渠甚

偏又本秦史祿所繫今真斗慎啓封云斗畔悉蒼莽
區曠無居人時時有蠻獠數輩持挺倚巖谷間幸其
蠢蚩無大害然客遊者自此非夷境矣獨佳林當最
高處控制數千里披山帶江裊然西南要會世謂佳
嶺摩夫灘波經地水環相佳山類蓬瀛迺猶離郭伊
邇遽嘯諸獠屬邑古田永福間大爲占據朝除宰貳
至不敢入界予予從省司候差遣余蓋觀而憤焉自
桂以南迤而接虔陽朔平旁及左右兩江藤峽八
寨大都諸獠深阻今惟府江爲尤其府江即灘江也
以迫平樂府名府江又以灘水流至此益疏迅名灘

名山記

卷之十一

三

四

江余素聞其險爰與吳子留連桂林數畧須諸藩守
出棘院挈之行至是九月五日發桂林越七日渡陽
朔道中巖石尤奇崛就其羊皮元寶諸峰突兀空透
飛掛疊數節下瞰牛樂匙鑰天河纏脰諸灘大非常
目所經觀陽朔人蘇御史本追訪舟次語中更及註
江苦險阻余輩兩舟人有戒心云是日逾燕子巖白
面雷公諸山徑入村八日渡龍頭磯出灘江兵憲林
君載酒餞江許已而兩舟人與藩叅吳君極邕守何
郭二君並放中流日晡泊長灘九日晨發吳君舟觸
石幾破舟中帶有人匠粘罅至旁午復發於時瘴霧

彌野山川咸不可辨旁午猶無日光吳君設爨寄牛
酒邀余與吳子酌之云敵瘴氣復出鴈蕩山然烹以
解醒吳君鴈蕩人也語中誇鴈蕩之奇余笑曰若不
覩此灘江景乎夫灘江水波層絳下春石齒兩岬皆
高山峻谷然吾儕身渡之不得遊抑不可一瞬目焉
即若所談中土奇遊不且重有感怙方覆澤哉不且
重有感怙方覆澤哉吳子遽障余喙曰子又酒發矣
俄而窓縫稍豁因捲簾瞻兩岸山廼有悍惡獠人數
百群挾戈戟伺險灘上余輩幸舟順流其邇而上者
篙稍緩輒被逗逼鹽米吳君蓋坐而目擊之與余輩

名山記

卷之十一

三

四

咨嗟良久因憶田少叅次成藤峽府江議謂勦藤峽
寇宜速剿府江宜緩又有疑剿撫二議誰適從者余
覽觀其槩大都江峽勢相連綿木應與治諸獠志索
鹽米非有遠圖彼中峒丁招主往往黨狀相通今昭
平建設上巡司亦畧扼其咽喉謂宜聽諸上官報効
兵目齋糗餉剿逐苟得尺寸地即以立其父子爲巡
司官仍於要害處隨在設巡司令通峒丁鹽米禁其
侵暴久而化誘諸獠爲良民因可潛消上官諸子弟
相繼殺事或亦一籌策耳日晡泊大龍灘十日晨發
午抵昭平復逾馬難唐釣上山下山石龍諸灘至上

洋堡泊下一日發上洋堡逾上洋下洋峴終龍口月
口爛板諸灘自出灘江諸灘俱險而馬難屯其水當
灘處湍洶若飛矢石尖、錯兀其底逆流者篙竟日
難上順流尤虞觸石灘旁復多滙深潭其上嵐氣重
遮鼻中聞之至不可忍四野蒼葦遂蔽鳥棲絕少時
有一三水爲墮而前昔人所稱仰視飛鳥沾沾墮水
中蓋實景也柳○千山鳥飛絕萬徑人踪滅又添嵐
龍徑三苦云十二日舟抵蒼梧漸覺岸有人跡間見
一二小舟蕩槳而過然猶數十百里無村煙江灘亦
尚多險回憶江左風流不啻懸霄壤云爾

名山記

卷之十一

三十一

屏風巖記

宋 侯彭老

自湘南樓下渡重江北行五里有山如屏峙于平原
若環郡而主之其中卷然虛曠而邃深數十步上徹
山之陰高明爽塏下視七星山巖尊於前西顧洲渚
城邑可以指數蓋龍隱棲霞之所蘊蓄與夫轉軋飯
雲之所鋪寫是蓋兼而有之備具衆美冠於天南使
造物者更復運意不可增損崇寧初鄱陽程公始開
是巖目之曰程公巖

曾公巖記

宋 劉誼

元豐元年曾公自廣州移帥桂府民和歲豐公率群

僚遊所謂風洞者縱步而東行得一巖於榛莽間石
之前有石門屈曲而入則流水橫其中碧乳垂其上
周旋四視其狀如刻鏤出於鬼工而不類融結者也
公於是拂石求前人之跡則未嘗有至者焉乃構長
橋跨中流以爲遊觀宴休之處日與衆共樂之自是
州人士女與夫四方之人無日不來其巖遂爲絕觀

玄風洞記

宋 柳開

出桂城東抵慶林觀背山下有洞出風淳化元年開
知州事往避秋暑因刻銘於洞旁銘曰

桂東叢峰洞穴空通要肌森森沒骨浸覺瑩雪若絮

屏風巖記

卷之十一

三十一

凝冰若列暑宇如燠周匝流毒其何如斯爲能去之
嶺山我我嶺水湯湯亘古綿今氣炎土荒物爽爾情
候乖朔節夏雨多涼秋旱多熱春寒冬嚴順冬變
反側無恒天癘相仍我來尚中百慮時窮倏然自釋
忘歸終日勒銘岩口用紀罔極○張孝祥詩山入烏
蠻連越雋天開斗野對珠宮應憐桂海長炎熱乞與
清涼萬竅風

棲霞洞序

宋 尹穡

仙李岩即玄元栖霞洞也唐祖老氏尊以玄元號而
所在祠之今洞額鏤刻篆字奇古不磨又有老君像